



USAID
OD AMERIČKOG NARODA

PROGRAM PODRŠKE MARGINALIZIRANIM GRUPAMA (PPMG)

OKTOBAR 2017.

VIŠE OD 70.000 KM ZA PORODICE DJECE I OSOBA SA POTEŠKOĆAMA U RAZVOJU, USKORO I USLUGE MOBILNOG TIMA



Servis centar “Dajte nam šansu-Zvezdice” i u naredne dvije godine ponudit će besplatne usluge za porodice djece i osoba sa poteškoćama u razvoju na području cijele banjalučke regije, a zahvaljujući sredstvima od 70.000 konvertibilnih maraka koje je osigurao USAID-ov Program podrške marginaliziranim grupama (USAID/PPMG).

Ugovor o dodjeli sredstava danas su u prostorijama Centra potpisali direktor USAID-ovog Programa podrške marginaliziranim grupama Jasmin Bešić i direktorica Servis centra “Dajte nam šansu – Zvezdice” Željka Perišić Trubajić.

“Ova podrška mnogo će značiti porodicama iz Banje Luke i okolnih mjesta. U centru u prosjeku dnevno boravi oko 20-ero djece, a broj porodica koje koriste usluge Centra uskoro bi mogao biti i znatno veći.” – istakla je Željka Perišić Trubajić, direktorica Servis centra “Dajte nam šansu – Zvezdice”.

Djeci s poteškoćama u razvoju u ovoj ustanovi omogućen je boravak do četiri sata dnevno, pomoć logopeda, defektologa, psihologa, medicinske sestre i socijalnog radnika I neophodna psihološka podrška porodicama, a uskoro će cijelim porodicama biti dostupne i usluge mobilnog tima.



“Ovo je četvrti servis centar u BiH koji USAID/PPMG podržava i nećemo stati na tome. Nastavljamo i dalje da širimo mrežu servis centara i partnerskih organizacija koje rade sa osobama sa poteškoćama u razvoju. Osim aktivnosti na pružanju usluga porodicama i djeci u servis centrima, radimo i na izmjeni postojećih zakonskih rješenja koja se bave ovom problematikom, a sve kako

SADRŽAJ

Više od 70.000 KM za porodice djece i osoba sa poteškoćama u razvoju, uskoro i usluge mobilnog tima	1
Djeca traže ono što im pripada – Održana Prva dječija skupština KS	2
Započeo treći ciklus treninga namijenjen organizacijama koje se bave pitanjima marginaliziranih grupa u BiH	3

bi osobe sa poteškoćama u razvoju prestale biti na margini društva i kako bi podršku dobile i od lokalnih zajednica, ali i entiteskih nivoa.” – poručio je Jasmin Bešić, direktor USAID-ovog Programa podrške marginaliziranim grupama.

USAID/PPMG podržava i rad Servis centara u Sarajevu, Foči i Tuzli, koji se bore za dostojanstveniji život porodica djece i osoba sa poteškoćama u razvoju.

Centar za podršku porodicama djece i osoba sa poteškoćama “Dajte nam šansu-Zvezdice” otvoren je u septembru 2015. godine na inicijativu USAID-ovog Programa podrške marginaliziranim grupama, a njegove usluge koristi više od 100 porodica iz cijele banjalučke regije.

Rad Servis centra podržava i Grad Banjaluka.

DJECA TRAŽE ONO ŠTO IM PRIPADA – ODRŽANA PRVA DJEČIJA SKUPŠTINA KS



„Danas tražimo ono što nam pripada!“ – poručila su djeca sa Prve dječije skupštine Kantona Sarajevo koja je 6. oktobra 2017. godine organizivana u zgradi Općine Novi Grad u okviru obilježavanja Dječije nedjelje.

Prvoj dječijoj skupštini KS prisustvovala su djeca i njihovi roditelji, ali i predstavnici vlasti svih nivoa.

„Tužno je da imamo potrebu govoriti o ovim stvarima

i ukazivati na svakodnevno nepoštivanje dječijih prava, naročito kada govorimo o djeci sa invaliditetom, ali se nadamo da će sav naš trud rezultirati većom brigom donosioca odluka i svih drugih koji trenutno stanje mogu mijenjati.“ – poručila je Ines Kavalec, direktorica Udruženja „Dajte nam šansu“ koje je i organizovalo dešavanje.

Zaslužujemo sigurno djetinjstvo, imamo pravo na obrazovanje, razlike postoje, ali nas one ne određuju – još su neke od poruka koje su najmlađi poslali predstavnicima vlasti, ali i svim građanima koji zaboravljaju na njihova prava.

Održavanjem Prve dječije skupštine nastoji se ukazati na nedovoljno poštivanje prava djece, ali i nebrigu sistema o djeci sa invaliditetom i njihovim porodicama.



Prvu dječiju skupštinu organizovalo je Udruženje „Dajte nam šansu“ uz podršku Ministarstva za rad, socijalna pitanja, raseljena lica i izbjeglice KS.

Udruženje „Dajte Nam šansu“ je neprofitna, nevladina, altruistična organizacija koju su osnovali roditelji djece sa poteškoćama u razvoju, iz potrebe da udruženi djeluju na stvaranju boljih društvenih okolnosti za ugodniji život svojih porodica i svoje djece.



Ovo udruženje osnivač je i Servis centra „Dajte nam šansu“ koji brine o djeci sa invaliditetom i njihovim porodicama, a čije rad podržava USAID-ov Program podrške marginaliziranim grupama (USAID/PPMG).

ZAPOČEO TREĆI CIKLUS TRENINGA NAMIJENJEN ORGANIZACIJAMA KOJE SE BAVE PITANJIMA MARGINALIZIRANIH GRUPA U BIH



Treningom o temi Pravne i organizacijske strukture, koji je održan u Konjicu od 17-19. oktobra 2017. g., započeo je treći ciklus treninga namijenjenih lokalnim organizacijama koje se bave pitanjima marginaliziranih grupa u BiH.

Neprestana borba za teško dostupna sredstva često ne ostavlja dovoljno vremena i prostora kako bi se organizacije posvetile izgradnji i jačanju organizacijskih kapaciteta. Upravo iz tog razloga, želeći podstaći organizacije da se posvete ovom pitanju, USAID/PPMG je razvio set treninga koji su koncipirani na način da jačaju sve nivoe strukture jedne organizacije.

S obzirom da prvi korak u procesu izgradnje kapaciteta organizacija civilnog društva predstavlja adekvatno uspostavljanje organizacijske strukture, te uspostavljanje internih pravila rada, prvi trening je bio posvećen ovim temama.

U skladu s tim, učesnici/e su imali priliku učiti na koji način izgraditi sistem pisanih politika i procedura

uzimajući u obzir zakonske propise, pravila i zahtjeve donatora, te o načinu uspostavljanja, ulozi i nadležnosti upravljačkog odnosno izvršnog tijela organizacije. Također, tokom treninga, posebna pažnja je posvećena važnosti inkorporiranja elemenata i mehanizama koji omogućavaju poštivanje principa rodne ravnopravnosti.

Treningu je prisustvovalo 13 organizacija iz različitih dijelova BiH, a čije je djelovanje usmjereno na poboljšanje položaja osoba sa invaliditetom, žena, Roma i mladih.



USAID - Program podrške marginaliziranim grupama (PPMG)

Program provodi Institut za razvoj mladih KULT
u partnerstvu sa NGO & BUSINESS AUDIT d.o.o.
Ul. 4. viteške brigade 34-36 • 71210 Ilidža • Bosna i Hercegovina

T: +387 33 778 766

F: +387 33 778 779

www.ppmg.ba